

# Faivpela Rot Long Stretim Gutpela Na Klinpela Kaikai



## Olgeta samting i mas klin

- ✓ Wasim han bilong yu pastaim long yu stretim kaikai, na tu wasim han olgeta taim namel long stretim kaikai.
- ✓ Wasim han bilong yu taim yu kam bek long haus pekpek.
- ✓ Wasim na klinim gut olgeta ples na samting yu usim long stretim kaikai.
- ✓ Lukautim gut ol kaikai na ples bilong stretim kaikai bai ol binatang nogut i noken bagarapim.

## Bilong wanem?

I gat planti binatang i stap nabaut long olgeta hap, tasol sampela bilong ol dispela binatang i nogut na ol i save kamapim sik. Yu ken painim ol dispela binatang nogut long han, na long olgeta samting yu usim bilong stretim kaikai sapos ol i no klin. Dispela ol binatang nogut i ken kalap long kaikai na kamapim sik.



## Noken putim kuk kaikai klostu long kaikai i no kuk

- ✓ Ol kinkain abus wei i no kuk, i mas stap longwei long kaikai wei i kuk pinis
- ✓ Noken usim ol samting yu usim blong stretim ol nupela kaikai long stretim kuk kaikai, sapos doti i stap iet
- ✓ Karamapim gut ol kuk kaikai taim yu laik putim, bai noken tasim ol nupela kaikai

## Bilong wanem?

Ol nupela abus na kumu i save gat kinkain binatang nogut, na sapos dispela i bung wantaim kuk kaikai em, i ken kamapim sik.




## Kukim kaikai gut

- ✓ Kukim gut olgeta kaikai, na ol abus i mas kuk gut na tan
- ✓ Kukim gut ol sup na steu, na hot bilong wara mas winim 70°C.
- ✓ Tu ol mit bilong abus i mas noken ret insait
- ✓ Hotim gut ol kol kaikai pastaim long sevim na kaikai

## Bilong wanem?

Taim kaikai i kuk gut ol binatang nogut bilong kamapim sik bai dai pinis. I gat sampela wok painim i soim olsem kaikai i kuk gut long hot i winim 70°C, i no inap kamapim sik.



## Ol hot kaikai mas stap hot, na kol kaikai mas stap kol

- ✓ Noken lusim kuk kaikai i sidaun long rum winin tupela aua
- ✓ Putim kaikai hariap long ais bokis na noken lusim ausait
- ✓ Kaikai wei i kuk pinis i mas stap hot winim 60°C, bipo long skelim na kaikai
- ✓ Noken putim ol kaikai longpela taim tumas long ais bokis
- ✓ Noken larim ol abus i sidaun longpela taim long rum long rausim ais

## Bilong wanem?

Ol binatang nogut i save kamap planti hariap tru, sapos kaikai i sidaun longpela taim tumas long hot ples. Olsem na em i gutpela long putim kaikai long ais bokis, na kol i mas stap aninit long 5°C, na hot kaikai i mas stap hot winim 60°C. Dispela bai kilim ol binatang nogut na tu daunim namba bilong binatang nogut.



## Usim gutpela kaikai na wara

- ✓ Usim gutpela na klinpela wara tasol long kukim kaikai
- ✓ Na sapos wara i doti, mekim wara klin pastaim
- ✓ Kaikai yu laik stretim na kukim i mas gutpela
- ✓ Wasim gut ol kumu na prut.
- ✓ Noken baim na kukim ol kaikai i winim expaia mak

## Bilong wanem?

Doti wara na kaikai wei i no gutpela inap long kamapim sik. Olsem na lukluk gut taim yu baim kaikai long maket na stua.